

永定河志

諭旨

永定河志目錄

永定河志目錄

永定河志

諭旨

康熙三十一年二月奉

上諭渾河隄岸久未修築各處冲决河道漸次北移永清霸州固安文安等處時被水災為民生之憂可詳加察勘估計工程動正項錢糧修築不但民生永遠有益貧民借此工值亦足以養贍家口欽此

康熙三十七年二月

諭旨

永定河志

諭內閣霸州新安等處此數年來水發時渾河之水與保定府南之河水常有泛漲旗下及民人莊田皆被淹沒詳詢其故蓋因保定府南之河水與渾河之水匯流於一處勢不能容以致氾濫此二河道著左都御史于成龍往保定府南河著原任總督王新命往作何修治令其水自分流詳看繪圖議奏今值農事方興不可用百姓之力遣旗下丁壯備器械給以銀米令其修築伊等往時部院衙門司官筆帖式酌量奏請帶往於十日之

內即令啟行欽此

康熙三十九年奉

上諭永定河子牙河清河等河並高家堰等河所遣大臣官員亦有捐助銀兩者亦有本身効力勤勞修完河工隄岸者交與工部將所捐銀兩數目並修完工程職名俱查明奏聞欽此

康熙四十一年六月大學士伊桑阿馬齊張玉書

吳璵熊賜履學士來道常壽鐵圖紀爾塔渾王九

諭旨

永定河志

齡曹鑒倫劉光美等奉

上諭朕因永定河南岸不時衝坍特旨令將南岸修築石隄看來甚有裨益今黃河南岸自徐州以下至於清口通行修築石隄可否永遠有益若果有益現在國帑不為缺少朕於錢糧一無所惜修築此隄應於何處採取石料作何轉運約幾年可以告成著張鵬翮齊集河員詳議具奏欽此

康熙四十二年二月

諭永定河分司朕觀黃河險要地方應下挑水埽壩現今永定河朕親指示挑水等工俱有裨益爾遵照朕指示式樣前往烟墩九里岡龍窩三處築挑水壩數座試看有無裨益雖被衝壞無妨完工之日令該地方官盡心防守如有蟄陷不時修葺可將此旨傳與總河張鵬翮速派賢員令其多備料物夫匠於朕回鑒之前完工需用錢糧與爾無涉不可經手工完將用過錢糧記明具奏如遇挑汎水發即行停止欽此

諭旨

永定河志

三

康熙四十三年四月吏部為欽奉

上諭事康熙四十三年四月二十一日大學士馬齊奉

上諭今日巡撫李光地啟奏永定河關係緊要看得分司

郭治不能河務若河有差悞郭治與臣兩人性命甚輕但皇上以永定河之故不惜庫帑費用繁多不避寒暑風雨屢次巡查指示並無濟益乞皇上另選人員補授你問李光地用何等之人方好再問分司齊蘇勒色圖渾人如何筆帖式內有知河務可用者奏聞欽此問得

李光地回奏仍設分司二員筆帖式四十員於河務有益又問李光地你先啟奏裁汰分司一員筆帖式一半今又說復設為何李光地回奏我一時

情懂具題裁汰今日

皇上問及河務臣甚惶愧乞

皇上仍照前設立分司筆帖式問得齊蘇勒色圖渾在分司任內三年行走勤慎檔子房筆帖式葛鉉皂保崔廷棟色白赫候補筆帖式缺崔廷棟候補通

諭旨

永定河志

四

判缺等因具奏奉

旨齊蘇勒已經六年止赴分司色圖渾在永定河三年再留三年皂保以主事品級補授永定河分司連葛鉉崔廷棟色白赫將舊筆帖式補十員照伊陞用班次照常補用再補新筆帖式十員著爾等即速赴往河工欽此

康熙四十三年四月吏部尚書熊直隸巡撫李光地奉

上諭永定河分司已經另補有人分司郭治著補為南岸

同知新設同知湯煥著改為北岸同知俱令掌管錢糧收發如雇夫辦料有應行文地方官之處分司行同知轉行料理欽此

康熙六十年二月大學士馬齊等議覆工部東撫李樹德一摺啟奏奉

旨這事情九卿遣堂官甚是朕屢次南巡曾細閱河道留心於此是以於河道情形知之甚悉此處不讓他人雖欲不言而不得如山東運河自西河之水流入此河從

諭旨

永定河志

五

前百姓以為宜開通具呈亦曾開過後又具呈亦曾堵過開者何意堵者又何意務使悉此等緣故方可以定其應開與否不然則虛耗錢糧矣山東運河俱係引入滕縣嶧縣等湖之水以為運糧之助歷年來運河之水至於淺少者皆因沿河傍湖一帶添開於山東地方水田雖覺有益而未必有益於他處朕屢次往河道看來汶河之水自修分水龍王廟分流之後七分南流三分北流南流之水有一閘將此閘堵塞水俱北流古人相

諭旨

永定河志

六

地方之形勢就其高下隨其水性而能為此者實屬善策再洪澤湖有民之村莊墳墓田宅甚多修高家堰隄以聚水使其自上流下以拒洪澤湖之水更為神妙此處即朕躬亦不能承當即如暢春園一帶之河水俱入田內是以流至京城者甚少永定河之水亦俱引入田內是以每年四五月間水乾流絕河身沙壅倘有大水流入被壅堵塞以致泛溢為此查得牯牛河將清水引入永定河內此水長流不絕不但不致沙壅即大水來時亦不致泛溢此處巡撫不知即九卿大臣亦俱不知或張鵬翮大畧曉得將此旨爾等傳與九卿欽此

雍正元年九月兵部右侍郎牛鈕奉

旨直隸巡撫李光地將永定河下口柳岔之處河身淤塞甚高隄岸加高等因啟奏爾前往會同巡撫分司或加高隄岸或挑引河或另挑河之處通同確勘具奏此去爾所知賢能章京筆帖式挑選帶去欽此

雍正二年九月九卿議奏河工應行奏銷錢糧俱

於年內題銷奉

上諭九卿議將康熙六十年六十一年河工用過錢糧未經題銷各案速行查明於歲內造冊題銷朕思此事難行令河臣查奏果係今年斷不能完如將此事交與伊等能於歲內完結乎九卿並未計及便與不便遽行如此議奏者特謂年內如不題銷河道總督等自必題請展限姑且推諉內外事情俱屬一體凡事皆當揆情度理酌量事宜似此推諉議奏不但事件不能結案往返

諭旨

永定河志

七

行文題奏反致多事年內果否能造冊奏銷之處著問九卿欽此

雍正三年十二月奉

上諭直隸地方向來旱澇無備皆因水患未除水利未興所致朕宵旰軫念莫釋於懷特命怡親王及大學士朱軾前往查勘今據查明繪圖陳奏所議甚為明晰且於一月之內衝寒往返而能歷勘區畫悉當以從來未有之工程照此措置似乎可收實效具見為國計民生盡

心經畫甚屬可嘉著九卿速議具奏至於工程應用人員若交與九卿揀選恐有掣肘即令怡親王及朱軾揀選請旨其從前差往修城修隄之員俱著於水利工程處一同辦理欽此

雍正四年六月工部奉

旨爾部每年派司官前往石景山看守隄工殊屬無益應否交與地方官或永定河道管理之處爾部會怡親王議奏欽此

諭旨

永定河志

八

雍正四年十月奉

上諭怡親王等督率官員興修水利今年已有功效夏秋以來地方悉無水患而新種稻田又皆收穫覽怡親王等所奏朕心深為慰悅著發於內閣九卿等公看其在工人員或於此時議叙以示鼓勵或俟工程告成之日議叙著內閣九卿會議具奏欽此

雍正五年七月大學士朱軾奉

上諭看天氣不似無雨的各處河道工程要緊爾可說與

怡親王多委人員竭力防護毋得懈弛其已經衝潰之處務須作速搶修完固勿致疎虞欽此

雍正五年八月 和碩怡親王面奉

上諭治河一事雖宜順水之性然水性亦有萬不能順之處全憑隄岸堅固以資捍禦凡漫溢之水不能奪溜大抵各處沖漫皆由隄岸不堅所致更有民間車道碾損隄岸一遇水泛每多沖漫嗣後遇有此等隄岸緊要損傷之處畧加石工所費亦自無多爾等可將此事傳與

諭旨

永定河志

九

江南山東河南但有隄工之處一體遵奉欽此

雍正五年八月 和碩怡親王大學士朱軾請

查河奉

上諭張燦陳儀等身居工次必能經畫誠恐爾等往查伊等不無卸責且直隸地方遼闊爾等豈能遍歷但行文各該局各河道等令其將所管地方現今加修工程查看明白作速報來爾等商確妥當冬底再行覆勘至於直隸地方向來衆水散漫今則並歸一處或恐水大難

容隄堰之卑薄者亟酌量加高培厚然隄岸之不固者工員多以沙多土礮為詞殊不知土性雖有不齊功到自能堅實此承修隄工者必以堅實為主而隄工之堅與不堅只在遇水之決與不決則承修隄工者務期永固不致潰決乃為盡善耳欽此

雍正六年五月

諭工部從前朕意凡遇隄岸道路似應畧加石工以防車輛踐踏等弊此朕一時之見曾經詢問怡親王及齊蘇

諭旨

永定河志

十

勒皆以為可行是以頒發諭旨今田文鏡奏稱河南兩岸隄工車道久經加土修墊以防踐踏不必更加石土若土石兼用轉不堅固等語所奏甚為明晰具見實心任事深為可嘉著將田文鏡所奏及朕此旨傳與直隸江南山東凡有隄工之處該管大臣因地制宜酌量辦理不可迎合朕旨强行悞事欽此

雍正十二年四月奉

上諭據直隸河道總督顧琮奏稱永定河渾流洶湧全賴

下口深通庶上流得以暢注入淀乃洶河以南漸積填淤河流梗塞正擬挑濬疏通以資宣洩仰蒙

天賜引河自然開刷二十餘里之程畚鍤不勞民力四千餘丈之遠疏排悉出天工顯著嘉祥萬民歡忭等語朕因畿輔河渠關係重大時時軫念冀釋於懷今於河臣籌議挑濬通疏之地仰蒙

天賜引河自然開刷不勞民力順軌通流

河神福佑羣生功用顯著應虔展祀以答

諭旨

永定河志

十二

靈貺其應行典禮該部察例具奏欽此

雍正十三年七月工部議覆直隸河道總督朱藻

奏官民捐納土方應請分別議叙奉

上諭向來沿河文武官弁有種柳葦議叙之例遵行已久不便停止今若又添物料土方議叙之例恐奉行不善將來必致滋弊累民凡本地方現任官弁捐輸土方物料者尤為不可概不准行若紳衿民人等情願捐輸者著分別定例議叙欽此

乾隆元年四月總理王大臣等奉

上諭直隸不必設立副總河定柱著回京候旨另用直隸河務雖有專辦之總河著總督李衛兼行管理欽此

乾隆元年五月奉

上諭朕惟撫安百姓必嚴察胥吏而修築工程之地弊端尤多關係更屬緊要聞直隸永定河每夏秋間有沖缺修築隄岸夫役料物不能不取辦於民間胥吏朋比作奸其人工料物價值肆意中飽毫無忌憚且將物料令

諭旨

永定河志

十三

民運送工所往返動經百里或數十里不等腳價俱係自備種種擾累吾民其何以堪嗣後河工諸臣與協辦河務州縣官皆宜實心籌畫嚴行稽查無論歲搶修凡民夫物料應給價值務照實數給發不得聽信胥吏絲毫扣刻以致貽累百姓如有慢不經心仍蹈前轍者或經朕訪聞或被人題參必從重處分特諭欽此

乾隆二年八月奉

上諭直隸河道水利關係重大若但為目前補救之計而

不籌及久遠恐於運道民生總無裨益前覽顧琮李衛所奏尚非探本清源之論著大學士鄂爾泰親往詳勘形勢籌度機宜應如何改移開濬修築之處熟商妥議酌定規模仍交與顧琮李衛督率所屬該管官員遵照辦理欽此

乾隆三年四月奉

上諭直隸總督事件繁多難以兼顧河務李衛不必管理其一切河工事宜應交與總河專辦俾事權歸一方有

諭旨

永定河志

十三

裨益顧琮仍著前往會同朱藻一體悉心辦理毋得遲悞欽此

乾隆四年三月奉

上諭國家興修工作雇募人夫原欲使小民實受價值以爲贍養身家之計至於荒歉之年於賑濟之外修舉工程俾窮民赴工力作不致流移更非平時可比其安全撫恤之心亦良苦矣凡爲督撫大吏及地方有司自當承宣德意敬謹奉行使聞閭均霑實惠方不愧父母斯

民之職朕訪聞得各省營繕修築之類其中弊端甚多難以悉數或胥役侵漁或土棍包攬或胥庸之吏限於不知或不肖之員從中染指且有夫頭扣剋之弊處處皆然即如挑濬河道一事民夫例得銀八分者則公然扣除二分應做土一丈者則暗中增加二尺或分就工程用夫一千名者實在止有八九百人以國家惠養百姓之金錢飽貪官污吏奸棍豪強之慾壑其情甚屬可惡是不可聽其積弊相沿而不加意釐剔者嗣後凡有興作之舉著該督撫轉飭該管官員實力稽查務使工價全給民夫無絲毫扣剋侵蝕之弊倘該管官員稽查不力督撫即行嚴叅如徇庇屬員或失於覺察朕必於該督撫是問欽此

乾隆六年正月十八日奉

上諭永定河工關係重大著大學士伯鄂爾泰尚書公訥親乘驛前往會同總督孫嘉淦總河顧琮悉心查勘欽此

諭旨

永定河志

十四

同日又奉

上諭昨因永定河放水經理未善以致固安良鄉新城涿州雄縣霸州各境內村莊地畝多有被淹之處難以耕種且居民遷移不無困乏朕與孫嘉淦不能辭其責也用是寤寐難安深為厯念著大學士鄂爾泰尚書訥親會同總督孫嘉淦詳細查明被水處所應免錢糧若干速行奏請豁免先將此旨曉諭百姓知之欽此

乾隆九年五月吏部尚書協辦大學士劉於義直

諭旨

永定河志

十五

隸總督高斌會議修舉水利奉

旨依議畿輔興修水利乃地方第一要務必簡用得人始能有益無弊總督高斌事件繁多難以專心水利之事協辦大學士吏部尚書劉於義曾任直隸總督及布政使於閩省情形素所練習若與高斌悉心籌畫經理自可成利濟之功而收永遠之效此時著劉於義前往保定會同高斌詳加計議酌定規條將來興修之時二人同心合力督率辦理務期有成以副朕望欽此

乾隆十二年四月奉

上諭直隸水利關係綦重是以

皇考特命怡賢親王及大學士朱軾等督修欲營水田以備不虞後以南北地利異宜難臻績效朕於乾隆九年復准言臣條奏特命大學士高斌協辦大學士吏部尚書劉於義相度今據奏順天保定河間天津等府及順德廣平大名趙州等處各工俱先後告竣高斌劉於義屢次親詣工所往返勤勞及任事員弁皆著交部議叙諭旨

永定河志

十六

但興舉大工必期實有成效可垂永久方為有益朕為畿輔生民永圖利賴是以不得已開捐期於去水之害收水之利如涇潦泛濫濬之而使有所歸則涸出者皆成沃壤而受水之區即可得灌溉之益今用項至七十餘萬兩然何處積蓄已除何處實效已著曾未詳晰確查具奏至籌畫善後良圖亦非僅付之地方有司即可永遠保守弗墮者目今如何成效日後作何保固之處著軍機大臣等會同高斌劉於義詳查議奏欽此

乾隆十四年三月奉

上諭直隸河道事務近年以總督兼理不過於伏秋汛至之時往來率屬防護工程俱已平穩所有直隸河道總督不必設為專缺即於總督關防勅書內添入兼理河道字樣其一應修防工程向係河道等官派辦者俱照舊飭委辦理現在纂修會典將此載入欽此

乾隆十五年二月二十九日直隸總督方觀承面奉

諭旨

永定河志

十七

上諭朕見永定河身之內建有房屋詢係窮民就耕灘地水至則避去雖不為害但其築牆壘壩未免有填河之患可即查明現在戶數姑聽暫住嗣後不得復有增添欽此

乾隆十五年二月二十九日直隸總督方觀承面奉

上諭朕閱永定河培隄取土類在隄外是以近隄多有坑坎甚屬非宜嗣後總令於河身內取土俾隄增高而河

愈下庶為一舉兩得但須層方層起不得任挖成坑該督即傳諭所屬河員一體遵照辦理欽此

乾隆十五年六月奉

上諭永定河南岸三工五月二十九日河水驟長漫開月隄已命尚書汪由敦馳驛前往會同總督方觀承悉心相度有應搶築疏濬之處現今熟籌妥辦惟是附近固安縣一帶窪地猝被漲漫其間禾稼不免損傷民房不免倒塌深軫朕懷亟應加意撫綏俾無失所所有酌借

諭旨

永定河志

十八

籽種及一切應修賑恤事宜即著公同籌畫一面奏聞一面辦理務令被水居民得霑實惠欽此

乾隆十五年七月

廷寄工部侍郎三和直隸總督方觀承內開奉

上諭永定河三工漫口初擬合龍尚易為力該督方觀承董率河員駐工搶築期於速告厥成俾被水田禾早得涸出尚可補種蕎麥雜糧窮黎藉以餬口乃迄今匝月晝夜施工竭盡人事而時當伏秋水勢旋長旋消搶護

椿埽屢被冲刷此時已屆立秋即令積水全消亦已補種無及所有賞給口糧及將來查辦賑恤業已屢頒諭旨自可遵照辦理至播種秋麥則不妨俟至秋高潦盡為期尚早該督駐工日久通省案件應辦者甚多未便專顧隄工稽留下邑按察使玉麟曾任永定河道工程素所熟習可調至工所該督將堵築情形詳悉交明令與署道僧保住在工搶築日內天氣漸有霽色河流長落無常或於旨到以後玉麟來工之時溜平沙漲仰賴

諭旨

永定河志

十九

天庥可以就緒合龍不過三五日間三和方觀承俱可竣事言旋如非旬日可了著交玉麟率同僧保住調集物料在工辦理王麟到後方觀承回至保定辦事仍可不時稽察三和即著回京欽此

乾隆十五年七月初十日工部侍郎三和面奉

諭旨著寄信於直隸總督方觀承令按察使玉麟同署永定河道僧保住等度量水勢情形應緩應急如何加埽護隄之處接續辦理或現今水勢平緩即便加埽合龍

或俟白露前後水性平定進埽合龍之處並保護隄岸埽壩務期詳慎妥協堅固進埽合龍將水分入引河復歸故道欽此

乾隆十八年二月奉

上諭緣河隄埝內為河身要地本不應令民居居住何因地方官不能查禁即有無知愚民狃於目前便利聚廬播種罔恤日久漂溺之患屢歲朕閱視永定河工目擊情形因飭有司出示曉諭并官給遷移價值閱今數年於

諭旨

永定河志

二十

茲朕此次巡視見居民村莊仍多有佔住河身者或因其中積成高阜處所可禦暴漲小民安土重遷不願遠徙而將來或至日漸增益於經流有礙不可不嚴立限制著該督方觀承將現在隄內村民人等已經遷移戶口房屋若干其不願遷移之戶口房屋若干確查實數詳悉奏聞於南北兩岸刊立石碑并嚴行通飭如此後村莊烟戶較現在奏明勒碑之數稍有加增即屬該地方官不能實力奉行一經查出定行嚴加治罪特諭欽

此

乾隆十九年六月奉

上

諭方觀承奏本月初七日永定河水盛漲隨飭將舊河身內穿隄引河頭開放分流北注工程均各平穩再河身內舊有董家務惠元莊居民瓦土草房悉被淹淤懇量為賞給每戶倉穀一石等語穿隄引河惟藉分減盛漲此次開放自因水勢陡漲一時難以宣洩但祇可偶一行之今盛漲既消即仍應堅固堵閉令大溜由南隄

諭旨

永定河志

三

行走方為妥協至董家務惠元莊二處居民從前屢經曉諭雖伊等不願遷移亦彼時經理各員未能周妥因循貽害此番既被淹浸宜乘此時給予搬移之資務令遷徙隄外若有仍行廬處河身藉稱不願遷徙者將來惟該督是問著將穿隄引河於何口堵閉董家務等處居民如何遷移之處仍具摺奏聞至所請每戶賞給倉穀一石著准其賞給欽此

乾隆十九年六月奉

上諭方觀承奏永定河下口南埝以內武清縣屬之王慶

坨東沽港二村其窪處被淹者現有九百四十餘戶此等居民例無賑恤但此次被水較甚可否恩准借給口糧等語隄內居民屢經傳諭該督令其遷移但王慶坨東沽港二村人民稠密且有苦蓋瓦房歷有年所雖不能遷徙亦應有所界限不可再令附村人民佔居河地其猝經被水之戶情堪憫惻著加恩令該督按戶查明借給米糧以資接濟至隄內零星各戶不過草土房間原非必不可徙該督務遵前旨逐一查明於此次被水給予搬移之資令其遷移隄外不得姑息欽此

乾隆二十四年閏六月奉

上

諭據方觀承奏各屬屢次大雨之後唐河沙河白溝拒馬諸水同時並漲下游悉歸淀內以致大清河尾間不能宣洩轉由鳳河倒漾阻遏渾流而宣化上游雨後漲發全涌旁溢南岸四工隄頂漫開數丈現在馳往確勘等語入夏以來直屬大雨時行各河漲發而山河上游

諸路亦均得透雨山水下注永定河隄埝致有漫衝著
派安泰赫爾景額即速馳驛前往看視情形並留赫爾
景額在彼協同該督將漫口刻日堵築毋致再有漫溢
其水過村莊現在有無淹浸及應行加恩撫恤之處著
方觀承一面勘明妥辦一面奏聞該督職司河道不能
先事預防著交部照例察議其疎防之河道各員俟查
參到日一併交部察議欽此

乾隆三十二年四月奉

諭旨

永定河志

三

上諭前因閱視河淀情形見鳳河有斷流之處於回鑾駐
驛南苑時令查勘上游疏濬以達河流今據阿里衮等
查明團河下游即為鳳河一畝泉下游即歸張家灣運
河俱應行開挖深通已有旨給發帑金及時修濬矣但
此二河下游皆係地方官應行經理之事聞其中亦不
無淤淺阻塞今上游既議修治而下流若仍聽其淤梗
是尾閘不能暢達即疏濬水源亦屬無益著傳諭方觀
承即派委明習妥員前往查勘將應行開挖之處及時

興工務使一律暢流以資宣洩仍將勘估情形據實覆
奏欽此

乾隆三十六年十月奉

上

諭本日據高晉等奏陳家道口漫工已於十月初七日
合龍高晉於初九日自工次起身北上已批諭令其順
路先勘南運河北運河而來昨楊廷璋曾面奏差人在
景州一帶探聽高晉來信會同查勘今既先勘南運河
自應在德州取齊於路為順至周元理於直省河務亦

諭旨

永定河志

三

稱熟悉東省現在又無應辦要務該撫或帶印公出或
將撫篆交藩司海成護理即至德州與高晉楊廷璋相
會協同查勘南運河至天津即同往勘永定河如計算
時日尚寬仍可將北運河一併查勘事竣再行來京總
以十一月十七八等日到此未遲如永定河勘畢為期
已緊則北運河不妨暫緩俟

慶

典禮成再行前往可即將此傳諭高晉楊廷璋周元理
彼此訂定日期會同協辦再南運河一帶春間曾派令

奏曰修同楊廷璋等會辦而永定河北運河工程前諭高晉時亦有令奏曰修同往查勘之旨今奏曰修現在近畿董查疏消積水著傳諭奏曰修亦前往迎晤高晉等一體會勘欽此

乾隆三十六年十二月奉

上諭據高晉奏曰修周元理等查勘永定河南北運河各工事竣來京復命將應疏築事宜詳晰議奏已依議行矣至所稱估需工銀四十九萬六千餘兩現在直隸藩庫無款可動請勅部撥發濟用等語此項工程關係緊要著戶部即於部庫內撥銀五十萬兩令周元理即日委員赴領以便及時鳩工興築遵諭速行欽此

乾隆三十七年六月奉

上諭奏曰修奏驗收永定河工程一摺并除近水居民與水爭地之弊據稱淀泊所以儲水乃水退一尺則佔種一尺既報陸課則呈請築埝有司見不及遠以為種地自當防護隄埝直插水中被淹更甚請勅所司一切淀

諭旨

永定河志

五

泊毋許報墾陸課並不得橫加隄埝等語所見甚是淀泊利在寬深其旁間有淤地不過水小時偶然涸出水至仍當讓之於水方足以暢蕩漾而資儲蓄非若河海沙洲東坍西漲聽民循例報墾者可比乃瀕水愚民惟貪淤地之肥潤佔墾效尤不知所佔之地日益增則蓄水之區日益減每遇潦漲水無所容甚至漫溢為患則閭閻獲利有限而於河務關係匪輕其利害大小較然可見是以屢經降旨飭諭冀有司實力辦理今奏曰修既有此奏是地方官前此奉行不過具文塞責且不獨直隸為然也即浙江西湖葑地居民佔者亦多前日雖曾申禁恐與直隸之玩忽大畧相同而他省濱臨河湖地面類此者諒亦不少此等佔墾陸課之地一望可知存其已往杜其將來無難力為防遏何漫不經意若此著通諭各督撫凡有此等瀕水地面除已墾者姑免追禁外嗣後務須明切曉諭毋許復行佔耕違者治罪若不實心經理一經發覺惟該督撫是問欽此

諭旨

永定河志

五

乾隆三十七年十二月奉

上諭永定下口自康熙間築隄之始原就南岸雍正年間因河身漸淤改由北岸近自乾隆癸酉間又改從水窩南出兩河之間是以康熙年間之北隄轉為南隄雍正年間之南隄轉為北隄嗣後節次興工修治地勢屢更足水窖之故道又已不免今昔異形著傳諭周元理將康熙年間初次築隄沿至於今中間改移地名次數並議改緣由詳細確查列一簡明清單即行附摺奏聞欽此

諭旨

永定河志

五

乾隆三十八年三月初三日督臣周元理面奉

上諭兩岸隄裏近河之隄根以及軟灘之上應多種巨羅柳枝欽此

又同月二十三日督臣周元理面奉

上諭下口一帶南北兩隄內多有村莊應圍村悉栽卧柳以資捍衛欽此

乾隆三十八年三月二十日直隸總督周元理面

奉

上諭調和頭改條河與其北岸之越埝改為北隄即承北岸六工將上中下三汛依次改為七八九工南埝改為南隄其三汛亦改為七八九工欽此

乾隆三十八年六月奉

上諭口外自五月二十一二等日雨後灤河及潮白等河水俱驟長連日熱河雨覺稍稠聞灤河水勢復大畿輔一帶雨水情形大畧相仿未審永定河今年水勢如何

諭旨

永定河志

五

是否不致盛長河流能否循赴中泓甚為注念著傳諭周元理即速查明據實覆奏至該設立浚船以供濬刷淤沙之用春間親臨閱視時見船艤河中尚未覩有成效彼時即曾諭及如果實力淘浚使中泓沙不停淤於河防不無小補若徒視為具文自難冀其得益添設浚船一事原出自裘曰修之意彼身若在自必加意董辦不虞廢弛今裘曰修已故恐滿保等未必復肯認真董辦徒有浚船之名而無挑濬之實則是虛糜工帑製造

豈不可惜永定河原係周元理專責而浚船之事周元理亦同會奏著周元理留心督辦毋任作輟因循致成虛設仍將現在辦理情形若何一併覆奏欽此

乾隆三十八年六月奉

上諭周元理奏五月二十二日以來永定河水勢雖有增長大溜直走中泓迅趨下口兩岸隄工穩固一摺覽奏稍慰廑念至所稱各處河水旋長旋消初一日辰刻金門開過水六寸已時即已斷流等語金門開宣洩永定

諭旨

永定河志

三十九

河盛漲其形與南河之毛城鋪相似永定河挾沙而行與黃河水性亦同向來毛城鋪於過水後即將口門及河流去路隨時疏濬以免淤停實為利導良法金門開自當仿而行之著傳諭周元理督飭河員於金門開過水之處即為挑濬務使積淤盡除水道暢行以資疏洩嗣後金門開每遇過水永遠照此辦理仍將永定河長落情形隨時奏聞欽此

乾隆四十年八月奉

上諭周元理奏永定河歲搶修等工請仍循舊例一摺因

乾隆三十八年報銷疏濬搶修等工銀兩工部以所報之數與尚書裘曰修議定大工章程案內較有浮多駁令刪減周元理復將歷年通融辦理緣由據實聲明籲請仍舊朕閱此案工部之駁固屬照例而周元理之請自亦實情今朕為之準酌折衷所有此案動用工程銀兩仍准其照舊報銷不必復行駁減惟是永定河歲搶修疏濬等工每年額定三萬四千兩並准節年通融辦

諭旨

永定河志

四十

理不逾此數雖若示以限制實聽儘數開銷未為允協夫永定河水勢靡常工程亦因而增減即如歲修一項水大之年粘補必多水小之年費用較省此理之一定者又如搶修量工之平險疏濬視淤之淺深亦難繩以一律若如向時所定籠統發銀不問工之鉅細多寡任其牽勻銷算則與庖人攬辦筵席何異殊非核實辦工之道治河所以衛民果屬緊要工程於閭閻實有裨益經費原所不靳若永定舊例未妥以致每年浮耗久之

不但用涉虛糜且恐工無實濟何如隨時確核實用實銷之為愈乎除業經辦過工程事屬已往毋庸另議外嗣後應如何刪去舊額核實辦理酌定章程之處著軍機大臣會同周元理悉心妥議具奏欽此

乾隆四十年閏十月奉

上諭吳嗣爵題歲報河道錢糧一疏尚係乾隆三十七年分動支收存之數辦理太遲河道錢糧等項例應按年造報原欲周知一歲河道工程之多寡鉅細以憑核實

諭旨

永定河志

三

稽查即云俟各司道陸續造送查核需時則三十七年之案亦應在三十九年正月出本斷無查辦不及之理今遲至四十年冬間具題中間幾閱三載實為遲延吳嗣爵著交部議處嗣後河工歲報錢糧俱著次年全數查明於第三年正月開印後具題如有逾期該部即查明叅奏欽此

乾隆四十五年八月奉

上諭據袁守侗奏永定河漫口督率道廳等趕緊堵築加

工下埽該道蘭第錫等駐工趕辦不遺餘力於初九日酉刻合龍等語今夏永定河因上游漲盛致隄工漫溢文武各員本有應得疏防處分今該督袁守侗於一月內督率道廳趕緊堵築尅期合龍其辦理迅速亦應甄叙所有在工員弁功過各不相掩著加恩仍行交部議叙以示分別勸懲並行不悖之至意欽此

乾隆四十六年十二月奉

上諭本日據大學士九卿等會議黃河水勢情形一摺已

諭旨

永定河志

三

依議行矣內胡季堂所稱河灘地畝盡皆耕種麥苗並多居民村落一遇水發之時勢必築圍打壩填塞自多是河身多一村莊即水勢少一分容納請勅下河南山東江南各省督撫確查令其拆去遷居隄外等語所見甚是河灘地畝居民日就耕種漸成村落一遇水勢增長自必築牆疊壩填塞河身此弊由來已非一日最宜嚴禁從前朕閱永定河隄即見有民人在彼耕種居住者特諭方觀承令其嗣後嚴行禁止勿使增益彼時聞